



Arkiv: FA-K40
JournalpostID: 21/80098
Saksbehandler: Laila Bjørge
Dato: 25.11.2021

Saksframlegg

Saksnr.	Utvalg	Møtedato
	Utval for areal, plan og miljø	

Ny forskrift om jakt og fastsetting av minsteareal som grunnlag for tildeling av fellingsløyve på hjort i Alver kommune.

Rådmannen sitt framlegg til vedtak:

Framlegg til ny forskrift om jakt og fastsetting av minsteareal som grunnlag for tildeling av fellingsløyve på hjort i Alver kommune vert lagt ut på høyring slik den ligg føre.

Høyringsfrist vert sett til 15.januar 2022.

Forskrifta har heimel i Forskrift om forvaltning av hjortevilt §§ 5 og 6.

Politisk handsaming

Utval for areal, plan og miljø (APM) skal vedta å senda forskrifta på høyring. Etter høyringsrunde skal APM gje innstilling til kommunestyret (KS), som gjer endeleg vedtak.

Bakgrunn

Alver kommunestyret vedtok 09.06.2021 nye kommunale mål for forvaltning av hjort, samt fokusområde/tiltak for å oppfylle målsettinga.

Kommunestyret kom med eit tilleggspunkt til den kommunale målsetting, der administrasjonen vart beden om å setja i verk ekstraordinære kortsiktige tiltak grunna dei omfattande skadane av hjort fleire stader i kommunen.

Desse tiltaka skulle ha som føremål å bringa bestanden raskt ned til eit meir normalt nivå. Kommunestyret har vidare bede om at det vert laga ny forskrift for minsteareal for hjort i Alver kommune. Minstearealet skal tilpassast hjortestamma i dei ulike geografiske områda.

Ei forskriftsendring må vedtakast av Alver kommunestyre innan 15. mars 2022 for at den skal vera gjeldande for jaktseasonen 2022. Forskrifta vil erstatta Forskrift om jakt og fastsetting av minsteareal som grunnlag for tildeling av fellingsløyve på hjort vedtatt av kommunestyret den 25.06.2020.

Tidsplan

APM 8.12. 2021:

Forslag til ny lokal forskrift for minsteareal for hjort i Alver kommune vert lagt fram til politisk handsaming i Utval for Areal, plan og miljø, med framlegg om å senda forslaget ut på høyring.

Høyringsperiode: 10.12.2021 -15.01.2022:

For å få eit godt kunnskapsgrunnlag og sikra att rettshavarar og andre vert inkludert og høyrte, vert forslaget om nytt minsteareal for hjort sendt på høyring, med invitasjon til å koma med innspel.

Utkast til ny forskrift vil verta sendt på høyring til alle hjortevald leiar i Alver kommune, til dei lokale bondelaga, Nordhordland skogeigarlag, Nordhordland Jakt og Fiskelag og Nordhordland Naturvernforbund. Frist for uttale/innspel er 5 veker.

Vald leiar er grunneigarane sin representant i hjorteviltforvaltninga. Vi vil be om at vald leiar gjer grunneigarane sine kjent med at saka er på høyring og at valda samlar eventuelle innspel frå grunneigarane i ein felles uttale frå valdet.

Når høyringsfristen er ute vil administrasjonen gå igjennom innkomne uttalar og innspel og vurdere saka på nytt før saka vert lagt fram for politisk handsaming.

Det er motteke innspel frå mjølkeprodusentane i Nordangerkrinsen på Radøy v/Hogne Straume i e-post datert 05.11.2021. Innspelet vert handsama samla med andre innspel som kjem inn i høyringsperioden.

AMP: 09.02.2022:

Areal, plan og miljø gjev tilråding til kommunestyret om ny forskrift om jakt og fastsetting av minsteareal som grunnlag for tildeling av fellingsløyve på hjort i Alver kommune.

KS 24.02.2022:

Forslag til forskrift vert lagt fram for Alver kommunestyre for endeleg vedtak.

Saksopplysningar:

Målsetting for forvaltning av hjort har hovudfokus på å skapa ein berekraftig og dynamisk populasjon av hjort som er tilpassa lokalt leveområde og landskap. Uttaket av hjort skal leggja til rette for naturleg aldersstruktur og einsarta kjønnsamansetting i bestanden, forbetra brunstdynamikk, reproduksjon og kroppsvekt. Uttaket skal gjennomførast slik:

- Bestandsstorleiken skal ikkje føre til vesentlege beiteskadar på skogsareal.
- Beitetrykket av hjort i lokale gras- og beiteområde skal ikkje vera til hinder for eit økonomisk drivverdig jordbruk.
- Populasjonen av hjort skal ikkje redusere naturen sin produktivitet og/ eller mangfald på kort eller lang sikt.

Vurdering

Det er ei politisk bestilling å leggja fram ei sak om reduksjon av minstearealet for hjort, men administrasjonen har ikkje noko fagleg eller teoretisk belegg som underbyggjer at dette er det rette tiltaket å setja i verk.

Det er enno for tidleg å vurdere effekten på den levande hjortebestanden av det høge uttak i sesong 2020 og reduksjons- og demografisk forbetrande avskytings prosjektet i sesong 2021. Jaktseasonen 2021 er ikkje avslutta og resultata frå tannsnitts- og kohort analyse prosjektet vil ikkje ligga føre før ut på vinteren.

Resultatet frå «tannsnitts- og kohort analyse prosjekt» skal hjelpe oss å fastlegge bestanden sin alders- og kjønnsmessige samansetning og gje eit estimat over bestandsstorleik. Desse resultata skal brukast til å kalibrera avskytingsplanen for sesongen 2022, i relasjon til uttaket i sesong 2021. Vidare skal den brukast i den teoretiske framskrivinga av alder- og kjønnsstrukturen i den levande bestand for å sikre oppfylling av målsettinga.

Administrasjonen tilrår likevel reduksjon av minsteareal for hjort for å skape fleksibilitet og klargjere til eit eventuelt auka uttak i 2022 avhengig av dei nemnte resultata. Det vert tilrådt å halda fast på eit differensiert minsteareal med 5 ulike storleikar som i stor grad følgjer dei gamle kommunegrensene og er knytt opp mot gardsnumra. Administrasjon viser til at ein har brukt 50% regelen i serdeles stort omfang ved tildeling av løyver i jakt sesong 2021 i gamle Radøy og Lindås kommune.

	1 - 10 % Reduksjon av minsteareal	11 - 20 % Reduksjon av minsteareal	21 - 30 % Reduksjon av minsteareal	31 - 40 % Reduksjon av minsteareal	41 - 50 % Reduksjon av minsteareal
Hjortevald - Radøy - %	0	16	0	16	47
Hjortevald - Lindås - %	5	19	7	7	30
Hjortevald - Meland - %	10	0	10	0	0

Dette er gjort på bakgrunn av ulikheiter i artens levevilkår i kommunen, den lokale bestandsstørrelsen og utvikling av skade på landbruket. Ved eit redusert minsteareal og potensielt fleire løyver skal det samstundes sikrast at reduksjonen i hjortepopulasjonen blir berekraftig og ikkje blir ein rein tall messig nedslakting med einseitig fokus på totaluttaket sin storleik. Ei endring i minsteareal må gjerast i kombinasjon med endring i samansetting av uttaket. Administrasjon viser og til at fråvik frå det fastsette minsteareal med inntil 50% gjeld både minking og auking.

Kraftig reduksjon i minsteareal kan samstundes føra til at grunneigarar ynskjer å bryta ut av større vald og etablere sitt eige vesle vald, noko som kan gjera det vanskeleg å utøve ei fornuftig viltforvaltning. Sjølv om minstearealet formelt sett vert redusert så er det ikkje automatikk i at ein kan opprette sine eigne minivald viss ein har tilstrekkeleg teljande areal. Dette fordi kommunen skal godkjenne alle nye vald eller endringar i eksisterande vald jf. § 11 i «Forskrift om forvaltning av hjortevilt».

Framlegg og vurdering av nytt minsteareal for hjort i Alver kommune:

Tidlegare Radøy kommune har delt minsteareal med 350 daa/dyr nord i kommunen inkludert Toska og Marøy og 600 daa sør i kommunen. Områda Straume/ Nordanger nord på Radøy vart utpeikt i sesong 2021 som eit prøveområde for auka avskyting. Dette vart vidareført frå administrasjonen si side ved at 47% av hjortevalda på Radøy i sesong 2021 har fått reduksjon av minsteareal med 41-50%. I 79% av hjortevalda er 50% regelen brukt til redusera minsteareal i større eller mindre omfang. I sesong 2021 vart det aktivt tildelt løyver pr 233 daa i områda med minsteareal på 350daa og aktivt tildelt løyver pr 635daa i områda med minsteareal på 600 daa.

Rådmannen sitt forslag til nytt minsteareal for Radøy i Alver kommune er 250 daa frå og med søre Radøy og Askeland vald og nordover. Sørøst Sørøst Radøy og Askeland vert minstearealet fasthalde på 600 daa.

Tidlegare Lindås kommune har hatt minsteareal på 500 daa. I sesong 2021 vart det aktivt tildelt løyver pr 440daa i områda. 30% av hjortevalda i områda har i sesong 2021 fått reduksjon av minsteareal med 41-50%. I 63% av hjortevalda er det brukt 50% regelen til reduksjon av minsteareal i større eller mindre omfang.

Rådmannen tilrår 400 daa som minsteareal.

Tidlegare Meland kommune har hatt minsteareal på 400 daa på Holsnøy og Flatøy. Valda i Meland har felles bestandsplanområde med fleirårig forvaltningsplan med utløp 2021. Bestandsplanområdet har ein årskvote på 152 dyr, eller om lag 500 daa for eit løyve.

Rådmannen rår til at minstearealet vert uendra på 400 daa for dei aktuelle valda. Det vert vurdert at områda har stort handlingsrom med noverande minsteareal. Innafor det gjeldande minsteareal er det moglegheit for å heve uttaket med rundt 35 dyr utan bruk av 50% regelen.

Framlegg til nytt minsteareal for godkjenning av vald og grunnlag for fordeling av fellingskvote går fram av tabellen under:

	Gardsnummer	Noverande minsteareal	Nytt minsteareal
Radøy med Toska og Marøy	414-479 og 490-502	350 daa	250 daa
Radøy, sørom Søre Radøy grunneigarlag og Askeland til og med Alverstraumen	130-134 og 480-489	600 daa	600 daa
Gamle Lindås kommune, forutan Alverstraumen	4-248	500 daa	400 daa
Gamle Meland kommune med Flatøy	1 og 304-357	400 daa	400 daa
Resten av kommunen		1000 daa	1000 daa

Vedlegg:

26.11.2021

Forskrift om jakt og fastsetting av minsteareal som grunnlag for tildeling av fellingsløyve - endra 2021

1650329